

Te Heheuraa Api

E ITE IÄ OUTOU I TE PARAU MAU, E NA TE PARAU MAU OUTOU E FAATIAMA

TE VE'A A TE EKALESIA A IESU MESIA I TE FEIA MO'A
I TE MAU MAHANA HOPEA NEI

NENKIHIA I PAPEETE, TAHITI, I TE MAU AVA'E ATOA

Te hoo: E 30 farane i te matahiti.

Nº 5

-- ME 1951 --

MAT. 38.

© VHI TE TIA IÄ RAVE I TE ©ROA A TE FATU.

A HAAMANH'O noa tatou i roto ia tatou, i te mau huru no to tatou raveraa i te reira. Aita'tu e oro'a hanahana i te reira i roto i te Ekalesia, e no te mea te ravehia nei tana oro'a ra i te mau sabati. e huru peapea te mana'o i te feruriraa e, aita te reira oro'a e haapao maitai hia nei i roto i to'na raveraahia. E na te reira e faaite mai e, te haapao noa nei te tahi melo i tana oro'a ra no te mea e pen matauhia, eiaha ra ma te feruri papu i te faufaa o te ohipa ta ratou e rave ra. Noa'tu ra i te reira te haapaohia nei te Oro'a a te Fatu ma te tura rahi.

E rave rahi te taata, i rotopu ia tatou iho, tei mana'o e, e mea tia ia horoa i te oro'a a te Fatu i te mau melo atoa o te Ekalesia tei tae mai i te pureraa, e ere i te mea tia ia na reira noa hia. Mai te mea te na reira nei matou i te parau, ua turuhia matou e te Evanelia, no te mea ua parau o Paulo i

nia i taua vahi ra: E teie nei, o te amu i teie nei pane e o te inu i te au'a a te Fatu nei ma te au ore ra, e hara ia i te tino e te toto o te Fatu. E hiopo'a maite ra te taata ia'na iho a amu ai oia i taua pane ra, a inu ai i taua au'a ra. O tei amu hoi e o tei inu ma te au ore ra, ua amu ia e ua inu i te pohe no'na iho, oia aore i hi'o i te tino o te Fatu ra. No reira i rahi ai te pohe ma'i e te paruparu i roto ia outou na, e i taoto ai hoi te tahi pae. I Korinetia 11:26-30. Ua haapapu roa hia te mana'o o Paulo i roto i te **BUKA A MOROMONA** na roto i teie mau parau:

E oti a'era ta Iesu parauraa, ua hi'o faahou atu to'na mata i ta'na mau pipi i maitihia e ana ra, ua na o'atura ia ratou: Inaha, amene, amene, e parau atu vau ia outou, e ho'e a faaue ta'u e faaite ia outou, ei reira ia haere au i tau Metua e tia'i, ia faatia vau i te tahi faaue ta'na i horoa mai ia'u ra. E teie nei, inaha, tera te faaue ta'u e horoa'tu ia outou, eiaha outou e faatia ma te i'ite i te taata ia rave i tau tino e tau toto ma te au ore, a opere ai outou i te reira: o tei amu hoi, e o tei inu i tau tino e tau toto ma te au ore ra, ua amu ia e ua inu i te pohe no to'na varua: no reira, te i'ite ra outou aore e au te ho'e taata ia amu e ia inu i tau tino e tau toto ra, e fauore outou ia'na. III NEPHI 18:26-29.

No reira, o tei amu i te Oro'a a te Fatu ma te tia ore, e hara rahi mau ia, area ra aita'tu e taata e ite i to'na hape, matori ra o oia iho, no reira e tae iho a te faahaparaa i nia i tei rave i te oro'a ma te hapa, eiaha ra i nia i tei opere i te reira. E rave rahi atu a te mau parau papai tei haamaramama ia tatou i nia i taua vahi ra. I roto i te Buka Fafau, pene 45:4, te tai'o nei tatou: Ua faane atoahia outou e, eiaha ra outou e tiahi i te ho'e taata i rapae i ta outou mau pureraa oro'a. Mai te mea ua hara te ho'e o outou, eiaha roa'tu ia oia ia amu i te oro'a e tae noa'tu i to'na faaiteraa. I roto i te irava

i muri iho, ua opani atoa hia, eiaha roa outou e huri i te hoê i rapae i ta outou mau pureraa oro'a, o tei anaanatae to'na titauraa i te basilea: te parau nei au i teie no te feia e ere ratou i to te Ekalesia.

Eaha te auraa o te parau *Faaitera*a?

E tai'o tatou i roto i te III Nephi, 12:23-24: *Ia haere mai oe ia'u, e ia hinaaro hoi i te haere mai ia'u, e ua mana'o iho-ra oe i reira e, e hara ta to taeae ia oe na: e mata na oe i te haere e faaite i to taeae, a haere mai aima te auu mau ia'u nei e na'u ia e farii ia oe.*

No reira, ia ore tatou ia faautuahia no te raveraa i te oro'a a te Fatu ma te au ore, e mea tia ia riro tatou ei melo no te Ekalesia ma te tahoê maiteraa'tu i te taatoaraa o te mau melo, eiaha atoa ia vai, i roto ia tatou iho; te mana'o ino ia ratou e eiaha atoa e ofati i te mau faaueraa a te Atua. E mai te mea ua îte tatou e, te vai nei te inoio o te hoê ia tatou, e ohipa ia na tatou i te haereraa e farere ia'na no te faaoreraa i te peapea hou a'e i te raveraa i te oro'a, no reira, eiaha tatou ia inoio i to tatou taeae ia ore tatou ia inoiohia mai e to tatou taeae. No te rave-tia-raa i te oro'a, e mea tia ia i to tatou mafatu i te here i to tatou mau taeae e to tatou mau tuahine e ia tatarahapa mau tatou i ta tatou mau hara, mai te mea aita tatou e na reira, eita ia tatou e farii i te haamaitai o te Varua o te Atua, e ua amu e ua inu ia tatou i te pohe no tatou.

Te ani nei matou i te mau Feia Mo'a ia haamana'o ratou i te reira mau mea, no te mea ia na reirahia, e faaorehia te mau mana'o nounou, te pohe hae, te ohumu e te hi'opoaraa i to te tahi ino.

E mea papu, ia vai te reira mau peu i roto i te hoê Amaa, e inoio ihoa te Varu o te Fatu, e e mea tia ia tupu te tata-

rahapa hou e tia'i i te taatoaraa ia rave i te oro'a a te Fatu.

E mea tia roa ia haapao maitai te mau Feia Mo'a, ia vai hara ore noa ratou, ia tia noa ia ratou ia rave i tana Oro'a mo'a ra e ia vai noa te mau haamaitairaa a te Fatu i nia na ratou.

TE RAVERRAA I TE ORIVE MO'A.

Ua na ô te Aposetolo ra o Iakoba: "Te pohe ra anei te hoê o outou i te ma'i? e tii oia i te peresiputero o te Ekalesia ra, e na ratou e pure ia'na ma te faatahinu ia'na i te mono'i i te i'oa o te Fatu ra. *Iakobo 5:14-15*,

Na roto i te mau heheuraa no ô mai i te ra'i ra, te haapao noa nei te Feia Mo'a i tana ravea ra no te aniraa i te Fatu ia tauturu mai ia ratou no te faaoraraa i tei pohe i te ma'i.

Na ratou, o tei mau i te mana no te Antahu'araa Teitei, e haamaitai e e haamo'a i te olive te ravehia no te faatahinuraa i te feia tei pohe i te ma'i. Ua haamo'ahia e ua haamaitaihia te reira olive no te hoê noa iho ohipa, oia hoi, te faatahinuraa i te mau feia tei pohe i te ma'i, eiaha râ no te tahi ohipa ê atu.

Aita â te tahi mau melo i taa maitai i te raveraa taa ê, e te mo'a, no te olive i haamaitaihia, e ua rave noa ratou i te reira no te tahi mau ohipa ê atu. Eiaha roa ia na reirahia. Ia ravehia te olive i haamaitaihia i toto ana'e i te faatahinuraa i te mau feia tei pohe i te ma'i e tei navai to ratou faaroo no

te aniraa'tu i te mau peresibutero ia haere mai e tuu i te rima i nia ia ratou.

E mea tia ia taa maitai te reira i te mau Feia Mo'a e ia arataihia ratou i nia i te tia. E raau ihoa te olive no te mau ma'i e rave rahi, e e maa maitai atoa hoi no te tino nei, aita râ i tia ia haamo'ahia, ia haamaitai noa hia râ i te haamaitairaa ta tatou e ani nei, i te Fatu, no te mau mea atoa ta tatou e rave nei i te ora raa nei,

E TOHU RAA.

U A papaihia teie Tohu raa e ARTHUR BRUNTEN i te *matahiti* 1739.

I te tiaturi i *SIONA*. Te vai nei teie paran i te piha vairaa Buka no te haapiiraa Teitei i te fenua HAZEL SWITZERLAND oia hoi te fenua i paran hia Herevetia.

“UA MOEI TEIE NEI TE EVANERIA TAHITO.”

Te vai nei ra te mau haapiira haavare i roto i te mau Ekalesia i te mau fenua atoa. Tirara te ohipa no tatou ia faaitoito tatou ia rave i te mau mea tia e ia mata'u tatou i te Atua e ia faaore i te mau ino, e epure pinepine tatou i te Atua no te mea e tae mai te Melahi, ahiri e mea puai te faaroo e te pure note mau taata. I ropu i te area hoê hanere matahiti te maoro. Ei reira e paraparau faahou te Atua i te taata nei e efaahoi faahou mai oia i ta'na Ekalesia i te ao nei.

I roto i te hoê Orama, ua hi'o vau i te Peropheta e te tahi mau Pelesiputero te aratai nei ratou i te hoê mau taata iti, e ua haapeapea hia ratou e te mau taata e ua taparahi-hia e ua

tutui hia to ratou mau fare i te auahi, area ra ua faaroo mai noa ratou e tae noa' tu ratou i roto i te hcê peho i pihai iho i te tahi pape rahi, i reira to ratou faatupu raa i te hoê fenua nehenehe roa e ua patu i te hoê Hiero nehenehe roa. Te vai nei te Autahuaraa Mo'a ia ratou, no te mea tei ia ratou te mau Peropheta e te mau Aposetolo e te mau Peresibutero e te mau tauturu, e te haere nei te mau Orometua i te ra fenuae te ra fenua no te haaputu mai i te feia parau'tia. E te mau fenua aore i faaroo i to ratou reo e ta ratou mau parau, e parau mai te Atua ia ratou na roto i te, Batiri te uira e te aueueraa fenua e te mau huru pau e rave rahi."

Ua tupu teie Tohuraa e iva ahuru ma hoê matahiti bou te faatiaraa no te Ekalesia.

Ua pure atu ra Iotepha Semita i te Atua mai te hinaa'ro mau ia i te oia e tei hea te Ekalesia mau, no te mea ua tai'o oia i te Bibilia Iakobo 1:5; *"Te ere ra ra te hoê o outou i te i te, e ani oia i te Atua ra, o tei horoa hua mai i te maitai i te taata atoa ra ma te patoi ore e ehoroa hia mai ta'na,,* Ua tae mai te pahonuraa a te Atua raua o Iesu Mesia ia Iotepha Semita, e ua faaite mai Raua aita hoê Ekalesia mau i te ao nei i teie nei no te mea ua reva te mana o te Ekalesia man i te tau ua pohe Iesu e te mau Apoteselo e ua vainoa te ao nei i roto i te poiri mai i te faaite hia i te Bibilia Amosa 8:9 *Te na'o maira te tai'o raa.*

"Eia tae i te reira mahana te parau maira te Fatu ra o Iehova ei te avatea Vau e haamairi ai i te mahana i raro e te maramarama rahi i te ao e haapoiri ai i te fenua."

Ua tae atoa mai te Melahi, e ua faahoi mai i te Evanelia mau i te ao nei mai tei papai atoa hia i roto i te Apok 14:6

Hio atura vau i te hoê Melahi i te mau raa na ropu i te reva nei ma te Evanelia e tia i te vairaa ei poro raa' tu i te feia e parahi te ao nei ra i te mau fenua atoa e te mau opu atoa e te mau reo

atoa e te mau nunaa atoa."

E taua Melahi ra o Moroni ia o tei faahoi mai i te Evanelia mau i te Peropheta ra ia Iotepha Semita, e ua faahoi atoa mai Ioane Papezito i te Autahu'araa o Aarona, e ua faahoi atoa mai Petero Iakobo e o Ioane Pipihere i te Antahua'raa a Merehitateta na roto i teie mau faahoi raa i tupu ai te parau i papai hia Daniela 7:27. Teie te taio raa. *E te Basileia e te Mana e rahi atoa o te Basileia i raroa'e i te ra'i atoa nei, o te horoa hia ia i te mau taata ra i te feia mo'a no te teitei ra no'na te Basileia mou ore."*

No reira ua papu ia tatou e tei ia Iotepha te mau mana atoa no ô mai ia i te Atua e no reira ua faatia te Atua i ta'ua Ekalesia na roto i to'na Tavini Peropheta e i te mahana ua faatia hia te Ekalesia e ono noa iho melo e ua faaite mai Iesu e teie ia te io'a no ta'u Ekalesia oia hoi, **TE EKALESIA IESU MESIA I TE FEIA MO'A NO TE MAU MAHANA HOPEA NEI; Buka Moromona III Nephi 27:8. Tai'o raa.**

"E na hea ia te Ekalesia mau, ia ore ia parauhia i to'u nei io'a? Ia parauhia hoi te Ekalesia i te io'a no Mose, na riro ia ei Ekalesia na Mose; e ia parauhia ra i te io'a no te taata ra na riro ia ei Ekalesia na taua taata ra i reira; ia parauhia ra i to'u ra io'a e ia patu mau hia i nia i tau ra Evanelia, na riro ia ei Ekalesia na'u i reira."

E ua aratai Iotepha Semita e te mau Apotesolo i te Akalesia i te ra vahi e te ra vahi no te imi raa i te hoê vahi nehe-nehe ia haamuri atu i te Atua, area ra ua haapeapea noa te mau taata ia ratou e tae noa'tu i te tau ua pohe te Peropheta Iotepha Semita; E na muri a'e ua aratai Birikama Yone ia ratou, e ua haere atura ratou i roto i te metepara na haere noa ratou e tae roa'tu i te tahi peho i pihai iho i te tahi pape rahi, Ua parau hia **ROTO MITI RAHI** e ua hamani

ratou i te tahi mau fare e te tahi mau fare ohipa e te *HIERO* no te haamuri raa i te Atua e ua faatupu i te mau huru faapu e ua faanehenehe i te fenua te faaite mai nei te Bibilia e, Isaia 35:1.

"E rearea te medebara e te vahi papamaro ra no ratou; e oaoa hoi te fenua aihere e e ruperupe hoi mai te Tiare ra;"

Ei teie mahana te haere noa nei te mau Orometua no tana Ekalesia nei i te mau fenua atoa i te ao nei; E te faaite nei ratou ia tatou i te Evanelia mau no Iesu. E te mau taata e faarii i ta ratou parau e ia haapao i te mau faaue raa a te Atua, e tae ratou i te Basileia o te Atua, e te mau taata aore e faarii i ta ratou parau e aore e Bapesito hia i raro i te pape ia matara te hara e te haapao ore i te mau parau a te Atua, aore ia ratou e tae i te Basileia o te Atua e parau mai ia te Atua ia ratou, mai te Patiri e te Uira e te aueue raa fenua e te mau huru pau e rave rahi.

Papaihia e Tihati Robinson

EDITORIAL

UA riro te haapaeraa maa i te mau Sabati Oroa ei hoê i roto i te Ekalesia nei. Ua itehia te reira e te mau taata atoa tei îte i te mau mea atoa te au i tana oroa ra, to'na huru e to'na tumu. Aita teie oroa e haapaohia nei i te tahi vahi ê atu, e aore ra i roto i te tahi Ekalesia, mai tei haapaohia i roto i te Ekalesia a Iesu Mesia i te Feia Mo'a i te mau Mahana Hopea nei; e ua riro te reira

oroa, i ô tatou nei, ei maereraa no te mau taata êê tei hi'o-poa i te reira.

Oia hoi, ua haapaohia te haapaeraa maa, — te ore e amu i te maa ma te opuaraa mau, — i te mau tau tahito roa ei oroa mo'a. Ua îte papu to Iseraela tahito i to'na auraa e ua haapao ratou i te reira i te hoê tau Area râ, na riro te reira haapaoraa ei peu noa iho na ratou, e i te tahi mau taime ua riro ia ei faaahaaharaa na ratou mai te au i te mau parau ta lesu i parau i ta'na mau pîpî:

E ia haapae outou i te maa, eiaha mai ta te feia haavare e faarumaruma i te mata ra: o tei faahuru ê i to ratou mata ia îte te taata e te haapae ra ratou i te maa...Area ia haapae oe ra, e tahinu i to upoo, e e horoi i to mata; ia ore ta oe haapaeraa maa ia îte hia e te taata, i to Metua râ, e na to Metua iho tei ore roa i moe te hoê mea ia'na râ, ore noa oia iho i te itea, e faautua faaite mai ia oe. (Mataio 6:16-18.)

Ua faaitehia te tumu no te haapaeraa maa o te ati Iseraela i tahito ra i roto i te mau parau a te Peropheta ra o Ioela:

E i teie nei râ, te parau maira Iehova, e fariu mai outou ia'u ma te aau atoa, e ma te haapaeraa maa, e ma te oto, e ma te mihi: to outou aau te hahae, eiaha to outou ahu, a fariu ai i to outou Atua, ia Iehova ra: hamani maitai rahi to'na, e te aroha rahi, e ore e ru i te riri, e te maitai rahi, e tatarahapa oia i te ino i faaitehia mai. (Ioane 2:12-13.)

E i teie tau tuuraa Evanelia hopea nei, na horoa mai te Fatu i teie faaueraa: *E e horoa atu vau ia outou...te faaueraa ia haaputu outou ia outou iho. e ia haamau ia outou iho, e ia faaineine ia outou iho, e ia haamo'a ia outou iho: oia ia, ia tamâ i to outou mau aau, e ia horoihia to outou mau rima e te avae i mua ia'u, ia tamâ vau ia outou; ia faaite atu vau i to outou Metua, e i to outou Atua, e i ta'u Atua, e aita outou i viivii i te toto no teie nei ui rave hara, ia faatupu vau i tei*

parauhia mai, i teie nei parau rahi hopea ia outou i te taime e au ia'u. (BUKA FAFAU 88:74-76.)

No reira, ia haapao maitaīhia te haapaeraa maa, ia amūhia ia te reira i te mana'o tatarahapa, te faahaehaaraa e te aroha i te taata. O te hoē ia ravea, ma te haavī i te tino e te varua, — ia faarahi i te mana o te varua; no reira te Fātū i faaane mai ai ia tatou ia haapao i te haapaeraa maa.

Te faaneraa e vai nei, oia hoi te auāurāa i te moni tusia ra tei amuhia i te haapeeraa maa, o te faito ia o te moni tei ore i haaman'ahia na foto i te haapaeraa maa. E mai te au i to tatou ite no nia i te faatereraa a te Ekalesia, ua riro te Sabati matamua o te ava'e ei mahana haapaeraa maa, oia hoi te ore e amuraa i te maa i te po'ipo'i e i te avatea e mai te haamata i te haapae i te mahana maa i te abiahi e tae no-tu i te Sabati i te abiahi. O te faufaa no na tamaaraa e piti, tei ore i haaman'ahia, te horoahia i te Amaa no te tautururāa i te mau feia veve. Aita roa te reira ravea, no te tautururāa i te feia veve e riro ei hopoia no te mea, e tia i te taata tei navai ia horoa i te moni tusia, e ia horoa oia i te reira, aita oia e pau no te mea te horoara oia tei ore i haaman'ahia e ana no te maa, e i te mau tau maitai, a horoa'i te mau melo i ta ratou tusia, ua navai roa ia no te tautururāa i te mau feia veve. Ua riro teie ravea ei tauturu i te feia veve ei ravea ohie e ia hi'opoa maitai oia, ua iteahia e, na tauo maitai roa ia, no reira, o te ravea otahi mau ia.

O te hoē ia ravea te reira no te Ekalesia ia tia i te mau taata atoa, na roto i te haapaeraa maa, ia horoa i ta ratou tusia i te mahana i faataahia. Eiaha ra no te reira i faatiahia'i te haapaeraa maa, no te mea e oroa ia tei haapaohia i te mau tau atoa e aita hoi te tusia i titaunia, no reira, e faufaa rahi a'e to te haapaeraa maa i to te tusia. E haamana'o ra tatou, e

mea hau roa a'e i te maitai ia tuatibia te haapaeraa maa i te horoaraa i te tusia ma te hinaaro mau e te oaoa.

Te Faaho'iraahia Te Evanelia.

HI'O atura vani te hoê Melahi i te maueraa na ropu i te reva nei, ma te Evanelia e tia i te vairaa ra ei poroaa'tu i te feia e parahi i te ao nei ra, i te mau fenua atoa, e te mau opu atoa, e te mau reo atoa, e te mau nnnaa atoa, i te pii-hua-raa te reo e, A mata'u i te Atua, e faahanahana'tu ia'na; ua tae hoi i te hora faautuaraa na'na ra; e haamuri ontou ia'na, i tei hamani i te ra'i, e te fenua, e te tai, e te mau pape pihaa ra. Ua pee maira te tahi Melahi i muri iho, i te na ôraa e: Ua mairi taua oire rahi ra, o Babulonia, no te mea ua faainu oia i te mau fenua atoa i te uaina ra i te riri o ta'na ra faaturi! (APO. 14:6.8.) Na roto i tana mau parau ra te faaite maira o Ioane, te pipi here a Iesu, e faaho'ihia mai te Evanelia i nia i te fenua nei. E i muri iho i to'na faaho'iraa hia mai, e haamou hia ia tana mana rahi tei faataero i te ao nei e tei faaino i te mau mana'o atoa.

Ua tohu hia taua faaho'iraa ra e te Faaora iho.

I to'na tohuraa no te mau mea te tupu hon to'na hoi faahouraa mai e te hopea o te ao nei, ua faaite te Mesia: *E e parau-haere-hia te Evanelia o te Basileia o te Atua e ati noa'e teie nei ao, ia ite te mau fenua atoa; o te hopea ihora ia i reira ra.*

Te haapii maira tana mau parau ra e, e porohia te Evanelia, tei a'o hia e te Mesia iho e tei tunhia'tu, e Ana, i te mau Aposetolo ra, na roto i te ao atoa nei ei faaaiteraa no To'na ho'i faahouaraa mai e ei faaaiteraa e, ua fatata te hopea o teie nei ao.

Na roto ia vai e faaho'i hia mai ai te Evanelia?

Inaha, ua faaite ê hia na te faaho'iraa mai o te Evanelia, e te tahi mau tavini o te Atua, e ua faaite atoa mai ratou e, e mea nahea to'na tupuraa i te hope raa o te Taiva raa rahi te tupu atoa mai. E na roto ia i te hoê Melahi te haere mai, no te ra'i mai. Teie te hoê mana'o, e fâ taua Melahi ra ia vai? I te mau feia paari anei, i te feia haapii Evanelia e te feia mārô anei no te mau haapaoraa cheresitiano? Aita anei ratou e parau nei e, ua ore te Heheuraa mai te tau i farii ai Ioane i te orama tei papaihia i roto i te Apokalupo? Eaha, aita ratou e haapii nei e, aita te mau Melahi e afai faahon mai i te parau i te taata nei, noa'tu e ua na reira tatou i te matamua? Ua navai anei to ratou Faaroo no te aniraa i te Atua ia paraparau mai ia ratou? E hehen anei te Mana Hope i te hoê mea iti a'e i te taata te tiaoro atu la'na ma te faaroo tapetepete? Aita te Atua e rave nei mai ta te taata nei, no reira, mai te au i te parau a Paulo: Te îte na hoi outou, e e au mau taeae, i to outou parauraahia, e aita rea e taata paari i te haapaoraa i te tino nei aita rea e taata mana, aita rea e taata teitei fanau i parauhia. Ua maiti râ te Atua i te mau mea maramaa o te ao nei, ei faahaama'tu i te feia paari; e ua maiti hoi te Atua i te mea paraparau o te ao nei, ei faahaamaraa'tu i te feia puai, E mai te au i te mau parau i nia nei, na faaoti te Fatu e, no te raveraa i Ta'na ohipa o te tau hopea nei,—e ohipa faahiahia e te maere hoi,—e moe te paari o te feia paari e e haamouhia te maramarama o te feia maramarama,

Te Faaho'iraa hia mai.

Tei te matahiti 1823 te faahoiraa hia mai te Evanelia, e te Melahi i parauhi e Ioane, i te hoê tamaiti apî tei ore i taea-hia te 15 o to'na matahiti, no roto mai i te hoê utuafare hae-haa e aita oia i haere i te mau haapiiraa, e i'oa mataro hia to'na e e taata faapu oia. Ua faataehia te mana'o o Iosepha Semita, tei faateiteihia e te Fatu no te farii mai i ta'na parau, te faatia i ta'na Ekalesia e te faaineine i te mau e'a no te ho'i faahouraa mai o te Faaora, a tai'o ai oia i te mau parau mo'a ia ani atu i te Fatu ia faaite mai Oia e, teihea te haapaoraa mau. Ua tai'o oia i roto i te Episetole a Iakobo' i te pene 1 e te irava 5: "Te ere ra râ te hoê o outou i te îte, e ani oia i te Atua ra, o tei horoa hua mai i te maitai i te taata atoa ra, ma te patoi ore, e e horoahia mai ta'na. E ani râ oia ma te faaroo, eiaha e feaa." Ma te tiaturi papu i taua mau parau ra, ua haere atura o Iosepha Semita i roto i te hoê uru raau ia pure, e ma te haehaa ua ani oia i te Atua ia haamaramarama mai ia'na. Hoê ahuru ma maha noa iho to'na matahiti i reira e no te rahi o to'na faaroo aita roa oia i feaa. Ua faaroo hia ta'na mau pure e i roto i te hoê orama hanahana ua fâ mai te Metua e te Tamaiti i mua i to'na mata. Ua parau mai te Metua ma te faaite i te Tamaiti; O tau Tamaiti here teie, a farooi ia'ua. Ua parau mai to tatou Faaora i teie tamaiti ei pahonoraa i ta'na uiraa. **TEIHEA TE HAAPAORAA MAU?** Ua parau mai Oia, ua faaatea ana'e ratou i te e'a mau, e ua parau mai ia'na eiaha roa e pee i te hoê o ratou e ua fafau mai Oia e, ia tae i te tau mau e heheubhia mai ia'na te Evanelia mau a te Mesia.

Te Faraa mai o te hoê Melahi.

E toru matahiti i muri iho, ua fâ mai te Melahi ia'na, i roto i to'na piha, a faaineine ai oia i te taoto. Ua faaite te Melahi, tei haaatihia i te hanahana, ia Iosepha te hoê vahi i na-

i te hoê aivi, tei reira te hunaraahia te hoê buka e tei roto i taua buka ra te parau tuatapapa no te feia matamua tei parahi i uia i te fenua America, e tei reira atoa te faaiteraa no to Iesu farereiraa ia ratou, i muri a'e i To'na tia faahouaa. Ua horoa Oia ia ratou te Evanelia Ta'na i a'o haere i Iudea e ua faatia Oia i Ta'na Ekalelia i reira mai te au i Ta'na i faatia i Iudea ra. Ua faaitehia ia Iosepha e, e tuuhia te reire buka i roto i to'na rima ia iriti oia i te reira na roto i te horoa e te mana te horoahia mai ia'na e te Fatu na roto i te hoê mau ravea tei faataahia e ana. Ua tupu teie orama i na taima e toru i tana po ra, ia papu ia Iosepha e, e parau mau te reira. Na roto i te faaururaa o te Atua Mana Hope, ua ite hia e taua tamaiti apĪ ra taua buka ra tei ootihia i nia i te tahi mau apĪ metalo. Tei reira te faaiteraahia te Evanelia i roto i te hoê reo papu e te ohie, e te taata atoa te tai'o i tana buka ra, oia hoi te Buka a Moromona, ma te aaui tae e te mana'o tia, e ite ia oia e, no ô mai ia te reira i te Atua.

Ua horoahia mai te Autahu'araa ia Iosepha Semita.

I muri a'e i to Iosepha Semita iteraa i te Fatu, ua fâ mai o Ioane Bapetizo ia'na, oia hoi tei mau i te mana no te porohaereraa i te tatarahapa e te bapetizo i raro i te pape ia matara te hara. Ua fâ mai oia mai te huru o te hoê Melahi e ua horoa mai oia, ia Iosepha Semita e to'na hoa o Olive Tandere, te Autahu'araa e te mana tei mauhia e ana. I to rana fariiraa i te reira mau horoaraa, ua bapetizo raua ia raua iho, e i muri iho ua fâ mai o Petero, Iakobo e o Ioane ia rana, e ua horoa mai i te mana Aposetoloraa e no te tuuraa i te rima, i nia i te feia i bapetizohia, no te horoaraa'tu i te Varua Maitai, e ua horoa'toa mai ratou i te mana no te faatiaraa i te Ekalesia, mai to'na huru i te matamua.

Te Faatiaraahia Te Ekalesia.

I te 6 no Eperera i te matahiti 1830 i faatiahia'i te Ekalesia, i te tufaa fenua ra i New York, e e ono noa iho melo i

reira e ua rave ratou i te i'oa ra te Feia Mo'a no te mau mahana hopea nei. Ua baptizohia ratou no te haamatararaa i te hara e ua tamauhia ratou na roto i te tuuraa rima. Ua farii ratou i te mau horoaraa o te Varua Maitai, e i te rahiraa te mau melo ua farii atoa ratou i te mau horoaraa o te Varua Maitai e ua faaoti maitai hia te mau ohipa atoa. Tuuhia iho-ra te mau toroa i roto i te Ekalesia, oia hoi te mau Apose-tolo, te Peropheta, te Hitu Ahuru, te Peresibutero. te Epise-kopo, te Tahu'a, te Haapii, te Diakono e te mau toro'a atoa tei vai i roto i te Ekalesia i te matamua ra, oia hoi te na Autahu'ara a Melehizedeka e to Aarona, ma te mau ho-roaraa e te mana, te mau ture, te mau ohipa e te mau faai-teraa atoa no te ra'i mai te au i te Ekalesia mau a te Mesia. Ua tonohia'tura te tahi mau taata, tei faatiatia e te Atua, na te ao taatoa ia porohaere i te Evanelia, mai te mau Apo-setolo i tahito ra, ma te moni ore, ma te tiaturi râ i te Fatu e te mau hoa ta'na e faatupu no te tautururaa ia ratou no te pae tino. I te mau vahi atoa ta ratou i haere ua baptizohia te tahi mau taata ia matara ta ratou hara e ua faarii ratou i te Varua Maitai na roto i te tuuraa rima, e ua faarii mai ra-tou i te parau faaite, no ô mai i te Atua ra, ua faarii Oia ia ratou e ua faatia faahou mau â Oia i Ta'na Ekalesia i nia i te fenua nei.... Te hi'o noa maira te Atua ia ratou, no te ra'i mai, e te faaite nei Oia ia ratou i te hoê mau tufaa no te mau mea i oti, no teie nei e no te mau tau a muri atu.

Te Tuuraa Evanelia no te Hoperaa o te Mau Tau.

O te reira ia te ohipa no te mau mahana hopea nei ta te mau Peropheta mo'a i parau, oia hoi, te Tau tuuraa Evane-lia no te hoperaa o te mau tau, e i reira te Atua e amui aite mau mea atoa i roto i te Mesia, te mau mea i nia i te ra'i e to raro i te fenua nei. O te tuuraa Evanelia tei hau i te rahi e te maitai i te mau tuuraa atoa; na roto ia'na e faatupuhia'i te faatia faahouraa o te mau mea atoa, mai tei parauhia e te Atua, na roto i te vaha o te Peropheta mo'a. E faaineine

Oia i te hoi faahouraa mai o to tatou Fatu o Iesu Mesia, ote haere mai, mai te ra'i mai ma te mau Melahi to'na ra mana i roto i te ura auahi, no te faautu'araa to feia tei ore i te Atua e tei ore i faaroo i te Evanelia a to tatou Fatu o Iesu.. ia haere mai Oia, i te reira mahana, ia faahanahanahia i roto i to'na mau Feia Mo'a. I roto i te reira tuuraa Evanelia, ia oti te mau nunaa atoa i te faaarahia, e ia porohia te Evanelia i te mau fenua atoa ei faaiteraa, e ia haaputuhia tei matihia ra i reira e faaitehia i te mau faautu'araa e te mau haavaraa, e etae mai ai te hopea o te ao nei, oia hoi, te oreraa o te hau o Satane e to te mau taata iino. E riro te mau Basileia o teie nei ao ei mau Basileia na to tatou Atua e Tei Faatahunuhia e Ana, e e Arii Oia i nia ia ratou e a muri noa'itu.

Ua faauehia ia tatarahapa te mau taata atoa o te ao nei.

Inaba, ua vaiiho noa te Atua ia tere noa te reira mau tau poiri, i teie nei ra, te faave nei Oia i te mau taata, no te mau vahi atoa, ia tatarahapa. E te mau taata o te ao nei, a faaroo i te reo o te Fatu. Te parau nei Oia i te taatou, te cheresitiano e te etene, te orometua e te mau pipi, te katolika e te porotetani, te feia atua ore e te feia faaroo ore, te mau ona e te veve, te mau arii te mau faatere Hau, te mau taata faaapu, te mau tane e te mau vahine no te mau nunaa atoa e te mau faaroo atoa. Te parau atu nei Oia: Atatarahapa i ta outou mau hara, i to outou mau hape, no to outou mau haapao-raa faaroo e, no te mau tiaturi ore raa e no to outou mau ino atoa: a haere mai outou ia'u nei, ia baptizohia outou e tau mau tavini e ia tuu ratou i to ratou mau rima i nia ia outou ia matara to outou mau hara e ia faarii outou i te horoa o te Varua Maitai, e i reira outou e ite ai e, o Vau te Atua, e ua haamata Vau i ta'u ohipa rahi i nia i te ao nei, e mai te mea e haapao outou i Ta'u mau faaueraa, e riro ia teie nei ao, ia tamahia e ia faahanahanahia oia, ei tufaa na outou e e faakoronahia outou i te *ORA MURE ORE*.